

**STATUTI DHE AKTI I THEMELIMIT
I SHOQËRISË TREGTARE ME PËRGJEGJËSI TË KUFIZUAR
EXPOSOR SHPK**

I. DISPOZITA TE PERGJITHSHME

Sot më datë 20.02.2019, në Tiranë, në bazë të ligjit nr. 9901 datë 14.04.2008, "Për tregtarët dhe shoqëritë tregtare", me vullnetin e tij të plotë dhe të lirë, ortaku i shoqërisë:

z. Ilir KUSHGJINI, lindur në Tiranë i datëlindjes 23.05.1977 dhe me banim në Tiranë, shtetas shqiptar, madhor me zotësi të plotë juridike për të vepruar, i identifikuar me letër njoftim me nr. **030540388 / H70523149U** miraton statutin e shoqërisë si vijon:

Shoqëria Tregtare **EXPOSOR SHPK** rregullon pozitën e saj juridike, marrëdhëniet ndërmjet ortakëve, funksionimin dhe kompetencat e organeve të saj, llojin e shoqërisë, kohëzgjatjen e veprimtarisë së saj, marrëdhëniet me të punësuarit, duke u bazuar në ligjin nr. 9901 date 14.04.2008 "Për tregtarët dhe shoqëritë tregtare", dhe dispozitat e tjera të legjislacionit shqiptar në fuqi që rregullojnë marrëdhëniet e shoqërive tregtare.

NENI 1

Objekti i veprimtarisë

1.1 Shoqëria ka si objekt veprimtaritë që vijojnë si më poshtë:

Aktivitet në fushën e shërbimeve në sektorin e ndërtimeve civile, objekte shërbimi dhe banimi, duke përfshirë këtu shtrim pllakash, lysterje të objekteve të banimit, lysterje fasada, montim parketesh, montim të artikujve të mobilierisë, restaurim i objekteve të banimit, punime me gips, punime elektrike dhe hidraulike, etj. Përpunim dhe tregtim të materialeve të ndërtimit, hidrosanitare, elektroshtëpiake, konfeksione, prodhim tregtim bojrash, rikonstruksione, shërbime dhe punime të ndryshme që vijnë në interes të aktivitetit të shoqërisë.

Import-eksport të mallrave të ndryshëm dhe industriale, në fushën e prodhimit dhe të tregtimit të mobilerisë, në fushën e turizmit, hotelerisë, në fushën e prodhimit e të tregtimit të produkteve ushqimore dhe bujqësore industriale, në fushën e ndërtimeve, projekteve, prodhime duralumini etj. Kryerje e çdo veprimtarie të lejuar nga ligji dhe/ose pjesëmarrjen në çdo veprim apo aktivitet të ligjshëm që mund të kryeje një shoqëri me përgjegjësi të kufizuar, e krijuar në bazë të legjislacionit shqiptar. Shoqëria në ushtrimin e aktivitetit të saj, do të marrë të gjitha autorizimet e lejet e nevojshme pranë institucioneve publike shqiptare, dhe do të mbështetet në rregullat dhe normat në fuqi në lidhje me ushtrimin e veprimtarisë së saj të rregullt ekonomike.



NENI 2

Emri dhe selia e shoqerise

2.1 Shoqeria eshte person juridik shqiptar. Shoqëria fiton personalitet juridik në momentin e regjistrimit të saj në Regjistrin Tregtar Shqiptar pranë Qendrës Kombëtare të Biznesit.

2.2 Shoqeria do te paraqitet ne qarkullimin tregtar me emërtimin e saj **EXPOSOR**. Ndryshimi i emrit të shoqërisë mund të bëhet vetëm me vendim të Asamblesë së Përgjithshme të shoqërisë.

2.3 Selia e Shoqërisë ndodhet në adresën në Shqipëri, Tiranë, Rr. Vaso Pasha, Pallati 1, Apartamenti 13

NENI 3

Kohëzgjatja e shoqerise

Shoqeria do te kete nje kohezgjatje te pacaktuar.

NENI 4

Regjimi Juridik i Shoqerise

4.1 Shoqeria udhëhiqet nga parimet e ekonomise se tregut dhe ka per qellim fitimin. Ajo respekton parimin e reciprocitetit. Shoqeria tregtare EXPOSOR eshte nje shoqeri me pergjegjesi te kufizuar (SHPK). Veprimtaria i nenshtrohet dispozitave te aktit te themelimit, statutit si dhe dispozitave te legjislacionit shqiptar tregtar e atij civil. Me vendim te Asamblese se Pergjithshme, shoqeria mundet qe te ndryshoje regjimin juridik te saj ne perputhje me dispozitat ligjore qe do te jene ne fuqi si dhe ne perputhje te plote me dispozitat e Aktit te themelimit dhe te statutit te saj, duke bere dhe pershtatjen e tyre sipas ndryshimeve perkatese.

4.2 Shoqeria gezon personalitet juridik nga data e regjistrimit te saj ne Regjistrin tregtar. Shoqeria do te kete vulen e saj.

II. TE DREJTAT DHE DETYRAT E ORTAKUT

NENI 5

Te drejtat dhe detyrimet e ortakeve

5.1 Ortaku mban pergjegjesi per humbjet e shoqerise deri ne pjesen e pashlyer te kontributeve te nenshkruara.

Pasurite e krijuara nga shoqeria gjate aktivitetit te saj jane ne pronesi te shoqerise. Ato (pasurite) mund te tjetersohen, te jepen me qera, me miratimin e Asamblese se Pergjithshme. Ne kete rast vendimmarrja duhet te jete unanime me 100% te kapitalit.



5.2 Ortaket japin kontributin e tyre ne shoqeri ne para apo ne natyre, sipas menyrave dhe afateve te percaktuara ne statut dhe ne marreveshjen e posacme te lidhur midis tyre, ne te cilen eshte percaktuar ne menyre te detajuar kontributi i secilit dhe menyra e afatet e derdhjes se ketij kontributi ne kete shoqeri. Ata pergjigjen ndaj shoqerise personalisht dhe ne menyre solidare per demet e shkaktuara nga mospermbushja e ketyre detyrimeve apo nga permbushja e tyre pertej afateve perkatese.

5.3 Personat pergjegjes per administrimin e shoqerise informojne te gjithe ortaket per ecurine e veprimtarise se shoqerise tregtare dhe me kerkesen e tyre , duhet t'u vene ne dispozicion llogarite vjetore, perfshire llogarite e konsoliduara, raportet per gjendjen dhe ecurine e veprimtarise se shoqerise tregtare, raportet e organeve drejtuese apo te eksperteve kontabel te autorizuar, si dhe cdo dokument tjeter tjeter te brendshem te shoqerise.

5.4 Personat pergjegjes per administrimin e shoqerise informojne ortaket per periudha nje mujore dhe tre mujore per ecurine e shoqerise, realizimin e objektive mujore dhe tremujore, llogarite, raportet per gjendjen dhe ecurine e veprimtarise se shoqerise tregtare me partneret nenkontraktore, raportet e organeve drejtuese apo te eksperteve kontabel te autorizuar, si dh ecco dokument tjeter te brendshem te shoqerise.

5.5 Ortaket e shoqerise kane te drejte te heqin dore nga shoqeria dhe mund te shesin kuoten e tyre ne kapitalin shoqerise, ne perputhje me kushtet qe i lejon statuti dhe ligji. Heqja dore nga shoqeria nuk i liron ata nga detyrimet qe kane deri ne momentin e heqjes dore dhe nuk i cenon ata ne marrjen e te ardhurave qe shoqeria ka siguruar deri ne kete moment.

5.6 Gjate ushtrimit te te drejtave, ortaket veprojne, duke marre parasysh interesat e shoqerise dhe te ortakeve te tjere. Ata gezojne te njejtat te drejta kane te njejtat detyrime e trajtohen ne menyre te barabarte. Ortaket respektojne detyrimet qe burojne nga akti i themelimit dhe statuti. Ata perpiqen per zhvillimin normal te shoqerise sipas objektit te veprimtarise se saj.

NENI 6

Ndalimi i konkuresces

6.1 Ortaket nuk mund te mbajne statusin e tregtarit per te ushtruar veprimtari ne kete sektor. Ndalimi i permendur me siper mund te shfuqizohet nepermjet nje autorizimi te posacem, te dhene nga ortaket, apo nga Asambleja e Pergjithshme me unanimitet te votave. Ky autorizim mbetet ne fuqi edhe pas humbjes se cilesive apo statusit te permendur ne te, por jo per nje periudhe me te gjate se nje vit pas humbjes se kesaj cilesie.

6.2 Nese ndonjeri prej ortakeve shkel ndalimin e konkuresces, shoqeria mund:

a) te perjashtoje ate nga shoqeria apo ta shkarkoje nga detyra;

b) te kerkoje nderprerjen e veprimtarise konkuruese;

te ngreje padi per shperblimin e demit.

Shoqeria , si alternative te ngritjes se padise per shperblimin e demit, mund t'i kerkoje secilit prej ortakeve;

a) te pranoje se transaksionet e kryera per llogari te tij te kalohen per llogari te shpoqerise;

b) t'i transferoje shoqerise te gjitha perfitimet qe ka marre nga kryerja e veprimeve per llogari te personave te trete;

c) t'i transferoje shoqerise te gjitha te drejtat e kredite, qe kane rrjedhur nga kryerja e veprimeve per llogari te personave te trete.

NENI 7

Organi Vendimmarres

Asambleja e Ortakeve eshte organi i vetem vendimmarres i shoqerise.

Asambleja e Ortakeve eshte organi i vetem vendimmarres i shoqerise qe miraton cdo ndryshim te statutit sipas modaliteteve te percaktuara ne ligj.

Asambleja e pergjithshme e ortakeve eshte pergjegjese per marrjen e vendimeve per shoqerine per cheshtjet e meposhtme:

a) percaktimin e politikave tregtare te shoqerise;

b) ndryshimet e statutit;

c) emerimin e shkarkimin e administratorëve;

ç) emerimin e shkarkimin i likuiduesve dhe te ekspertëve kontabël të autorizuar;

d) percaktimin e shperblimeve per personat e permendur ne shkronjat "c" dhe "ç"

te kesaj pike;

dh) mbikqyrjen e zbatimit te politikave tregtare nga administratorët, perfshire pergatitjen e pasqyrave financiare vjetore dhe te raporteve te ecurise se veprimtarise;

e) miratimin e pasqyrave financiare vjetore dhe te raporteve te ecurise se veprimtarise;

ë) zmadhimin dhe zvogelimin e kapitalit;

f) pjesetimin e kuotave dhe anulimin e tyre;

g) perfaqesimin e shoqerise ne gjykatë dhe ne procedimet e tjera ndaj administratorëve;

gj) riorganizimin dhe prishjen e shoqerise;

h) miratimin e rregullave procedurale te mbledhjeve te asamblesë;

i) cheshtje te tjera te parashikuara nga ligji apo statuti.

Ortaku mund te perfaqesohet ne asamblenë e pergjithshme, ne baze te një autorizimi nga një ortak tjetër apo nga një person i tretë.

Administratori i shoqerise nuk mund te veprojnë si perfaqesues i ortakeve ne asamblenë e pergjithshme.

Autorizimi mund te jepet vetem per një mbledhje te asamblesë së pergjithshme, e cila perfshin edhe mbledhjet vijuese me te njëjtin rend dite.

NENI 8

Mënyra e thirrjes se mbledhjes se Asamblese se Pergjithshme

Asambleja e përgjithshme thirret nëpërmjet një njoftimi me shkresë ose, nëse parashikohet nga statuti, me njoftim nëpërmjet postës elektronike. Njoftimi me shkresë apo me mesazh elektronik duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpara datës së parashikuar për mbledhjen e asamblesë.

Kur asambleja e përgjithshme nuk është thirrur sipas pikës 1 të këtij neni, ajo mund të marrë vendime të vlefshme vetëm nëse të gjithë ortakët janë dakord, për të marrë vendime, pavarësisht parregullsisë.

NENI 9

Kuorumi

Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 30 për qind të kuotave.

Në rastin kur asambleja e përgjithshme duhet të vendosë për çështje, të cilat kërkojnë shumicë të kualifikuar sipas nenit 87 të ligjit " Per Tregtaret dhe Shoqerite Tregtare ", ajo mund të marrë vendime të vlefshme vetëm, nëse ortakët që zotërojnë më shumë se gjysmën e numrit total të votave, janë të pranishëm personalisht, votojnë me shkresë, apo mjete elektronike, sipas parashikimeve të pikës 3 të nenit 88 të këtij ligji.

Nëse asambleja e përgjithshme nuk mund të mbledhet për shkak të mungesës së kuoromit të përmendur me lart, asambleja mbledhet përsëri jo më vonë se 30 ditë, me të njëjtin rend dite.

NENI 10

Marrja e vendimeve

Asambleja e përgjithshme vendos me tri të katërtat e votave të zoteruesve të kapitalit, të ortakëve pjesëmarrës, për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë.

Asambleja e përgjithshme vendos me shumicën e votave të ortakëve pjesëmarrës, për çështje të tjera si :

- a) përcaktimi i politikave tregtare të shoqërisë;
- b) emërimin dhe shkarkimin e administratorëve;
- c) emërimin e shkarkimin i likuiduesve dhe të ekspertëve kontabël të autorizuar;
- ç) përcaktimin e shpërblimeve
- d) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;

- e) përfaqësimin e shoqërisë në gjykatë dhe në procedimet e tjera ndaj administratorëve;
- f) miratimin e rregullave procedurale të mbledhjeve të asamblesë;

Cdo ndryshim statuti duhet te depozitohet prane QKR per te pasyqruar ndryshimet ne skeden e shoqerise.

Neni 11

Përjashtimi nga e drejta e votës

11.1 Ortaku nuk mund të ushtrojë të drejtën e votës nëse asambleja e përgjithshme merr vendim për:

- a) vlerësimin e veprimtarisë së tij;
- b) shuarjen e ndonjë detyrimi në ngarkim të tij;
- c) ngritjen e një padie ndaj tij nga shoqëria;
- ç) dhënien ose jo të përfitimeve të reja.

11.2 Kur ortaku përfaqësohet nga një përfaqësues i autorizuar, i autorizuari vlerësohet të jetë në të njëjtin konflikt interesi, ashtu si dhe ortaku, të cilin përfaqëson.

III. KUSHTET EKONOMIKE TE SHOQERISE

NENI 12

12.1 Veprimtaria e funksionimit te shoqerise bazohet ne kerkesat e ekonomise te tregut.

Veprimtaria ekonomike ndertohet mbi parimet e llogarise dhe pasqyrohet ne bilancet e saj.

12.2 Kapitali i regjistruar i shoqerise eshte i perbere nga kontributi ne para i ortakeve ne vleren 1.000 (nje mije) leke. Kuotat e kapitalit jane të ndara në 1 pjesë të barabarta me vlerë nominale **1.000(një mije) lekë sejcila** me kontributin e ortakut si më poshtë:

Emri Mbiemri	Përqindja	Kuota	Kontributi në
z. Ilir KUSHGJINI	100%	1	100.000 leke

12.3 Ortaket, ne baze te kerkeses se organit administrues, mund te sjellin para ne shoqeri, sipas marreveshjes paraprake te lidhur midis tyre. Kjo derdhje parash mund te behet ne formen e zmadhimit te kapitalit ashtu si dhe ne formen e financimit te shoqerise. Ne rastin e financimit te shoqerise nga ortaket ne forme huaje, nuk eshte e nevojshme te respektohet perpjesshmeria mes shumes se derdhur ne shoqeri dhe kuotave te kapitalit qe ortaket zoterojne.

12.4 Nese mes paleve nuk ka akorde specifike, financimet ne forme huaje te bera nga ortaket do te konsiderohen si hua pa interes.

NENI 13

Pasuria e shoqerise

Shoqeria behet pronare e pasurise se luajtshme e te paluajtshme kur vlera e pasurise mbulohet teresisht ne te holla.

NENI 14

Zmadhimi dhe zvogelimi i kapitalit

Kapitali i regjistruar i shoqerise mund te zmadhohet ose te zvogelohet nga Asambleja e Pergjithshme. Kapitali i shoqerise mund te zmadhohet nepermjet nenshkrimeve te pjesëve të kapitalit themeltar për kontributet në para dhe me anë të kontributeve në natyrë, nepermjet emerimit nga gjykata kompetente e nje eksperti te autorizuar per keto kontribute sipas kërkesës së administratorit.

Zmadhimi i kapitalit mund te vendoset kur e kerkojne interesat e shoqerise duke u vendosur rritja e vleres se kuotes se ortakeve.

Asambleja e Pergjithshme, vendos per zvogelimin e kapitalit te shoqerise. Zvogëlimi i kapitalit lejohet nga asambleja e ortakëve, e cila merr vendim në të njëjtat kushte që kërkohen për ndryshimin e statutit.

Zvogelimi i kapitalit nuk duhet te demtoje kreditorët e as te krijojë pasiguri tek ata që kane dhene kredi para publikimit te zvogelimit te kapitalit. Ne te kunderten Gjykata e konsideron te pavlefshem kete vendim mbi kerkesen e kreditorëve.

Në të gjitha rastet zvogëlimi i prek ortakët në të njëjtën masë ndaj pjesëve të kapitalit që përfaqësojnë.


NENI 15

Transferimi i kapitalit

Kuotat e kapitalit të një shoqërie me përgjegjësi të kufizuar e të drejtat që rrjedhin prej tyre mund të fitohen apo kalohen nëpërmjet:

- a) kontributit në kapitalin e shoqërisë;
- b) shitblerjes;
- c) trashëgimisë;
- ç) dhurimit;
- d) çdo mënyre tjetër të parashikuar me ligj.

Pjesët e kapitalit themeltar janë lirisht të transferueshme nga ortaku, për sa nuk parashikohet ndryshe ne statut.



Pjesët e kapitalit themeltar janë lirisht të transferueshme me rrugë trashëgimie.

NENI 16

Fondi rezerve

Shoqeria krijon fondin rezerve dhe fonde te tjera financimi per te perballuar nevojat e saj.

KREU III

ORGANET DREJTUESE

NENI 17

Administrimi

17.1 Asambleja e përgjithshme emëron një ose më shumë persona fizikë si administratorë të shoqërisë. Afati i emërimit, eshte 5 vjet, me të drejtë ripërtëritjeje. Emërimi i administratorëve prodhon efekte pas regjistrimit në Qendrën Kombëtare të Biznesit.

17.2 Administratorët e një shoqërie tregtare mëmë, nuk mund të emërohen si administratorë të një shoqërie të kontrolluar e anasjelltas. Çdo emërim i bërë në kundërshtim me këto dispozita është i pavlefshëm.

17.3 Personi i mëposhtëm caktohet Administrator i shoqërisë i cili do të ushtrojë dhe mbajë në mënyrë të veçantë kompetencat e administratorit, për një periudhë prej 5 (pese) vitesh.

Të dhënat e identifikimit:

dhe specimenët e nënshkrimit:

Ilir KUSHGJINI

Adresa: Shqipëri, Tiranë, Rr. Vaso Pasha,
Pallati 1, Apartamenti 13

NENI 18

Kompetencat e Administratorëve

Administratorët kanë të drejtë e detyrohen të:

- a) kryejnë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme;
- b) përfaqësojnë shoqërinë tregtare;
- c) kujdesen për mbajtjen e saktë e të rregullt të dokumenteve dhe të librave kontabël të shoqërisë;

- ç) përgatisin dhe nënshkruajnë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara asamblesë së përgjithshme për miratim;
- d) krijojnë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;
- dh) kryejnë regjistrimet dhe dërgojnë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;
- e) raportojnë përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;
- ë) kryejnë detyra të tjera të përcaktuara në ligj dhe në statut.

Administratoret janë të detyruar të thërrasin Asamblenë e Përgjithshme, në rastet kur:
-sipas bilancit vjetor apo raporteve të ndërmjetme financiare, rezultojnë ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.

-shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5 për qind të asetëve të shoqërisë, që rezultojnë në pasqyrat e fundit financiare të certifikuara.

-shoqëria, brenda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 për qind të asetëve të shoqërisë, që rezultojnë në pasqyrat e fundit financiare të certifikuara.

Nëse asambleja e përgjithshme emëron më shumë se një administrator, ata e administrojnë bashkërisht shoqërinë.

Asambleja e përgjithshme mund të shkarkojë administratorin në çdo kohë me shumicë të zakonshme. Paditë, që lidhen me shpërblimin e administratorit, në bazë të marrëdhënieve kontraktore me shoqërinë, rregullohen sipas dispozitave ligjore në fuqi.

NENI 19

Përgjegjësitë e Administratorit

Administratori është përgjegjës individualisht, ndaj shoqërisë ose ndaj të tretëve, për shkelje të ligjeve, për shkelje të statutit, apo për faje të kryera gjatë administrimit të shoqërisë.

Pasojat e marrëveshjeve të pamiratuara nga asambleja që i sjellin dëm shoqërisë, i ngarkohen administratorit dhe ortakut që ka bërë marrëveshjen, për të përballuar në mënyrë individuale ose solidarisht sipas rastit pasojat përkatëse.

Përveç sa është parashikuar në dispozitat e përgjithshme të detyrimit të besnikërisë, sipas neneve 14, 15, 17 e 18 të ligjit "Për Tregtarët dhe Shoqëritë Tregtare", administratori detyrohet:

1. a) të kryejë detyrat e tij të përcaktuara në ligj dhe në statut në mirëbesim e në interesin më të mirë të shoqërisë në tërësi, duke i kushtuar vëmendje të veçantë ndikimit të veprimtarisë së shoqërisë në mjedis;

b) të ushtrojë kompetencat që i njihen në ligj dhe në statut vetëm për arritjen e qëllimeve të përcaktuara në këto dispozita;

c) të vlerësojë me përgjegjësi çështjet, për të cilat merret vendim;

ç) të parandalojë dhe mënjanojë rastet e konfliktit, prezent apo të mundshëm, të interesave personalë me ata të shoqërisë;

d) të ushtrojë detyrat e tij me profesionalizmin dhe kujdesin e nevojshëm.

2. Administratori, gjatë kryerjes së detyrave të tij, përgjigjen ndaj shoqërisë për çdo veprim ose mosveprim, që lidhet në mënyrë të arsyeshme me qëllimet e shoqërisë tregtare, me përjashtim të rasteve kur, në bazë të hetimit dhe vlerësimit të informacioneve përkatëse, veprimi ose mosveprimi është kryer në mirëbesim.

3. Nëse administratori vepron në kundërshtim me detyrat dhe shkel standardet profesionale, sipas pikave 1 e 2 të këtij neni, është i detyruar t'i dëmshpërblejë shoqërisë dëmet, që rrjedhin nga kryerja e shkeljes, si dhe t'i kalojë çdo fitim personal që ata apo personat e lidhur me ta kanë realizuar nga këto veprime të parregullta. Administratori ka barrën e provës për të vërtetuar kryerjen e detyrave të tyre në mënyrë të rregullt e sipas standardeve të kërkuara. Kur shkelja është kryer nga më shumë se një administrator, ata përgjigjen ndaj shoqërisë në mënyrë solidare.

4. Në mënyrë të veçantë, por pa u kufizuar në to, administratori është i detyruar t'i dëmshpërblejë shoqërisë dëmet e shkaktuara, nëse, në kundërshtim me dispozitat e ligjit „ Per Tregtaret dhe Shoqerite Tregtare , kryen veprimet e mëposhtme:

a) u kthen ortakëve kontributet;

b) u paguan ortakëve interesa apo dividendë;

c) u shpërndan aktivet shoqërisë;

ç) lejon që shoqëria të vazhdojë veprimtarinë tregtare, kur, në bazë të gjendjes financiare, duhej të parashikohej që shoqëria nuk do të kishte aftësi paguese për të shlyer detyrimet;

d) jep kredi.

Përveç padisë për shlyerjen e dëmit që i ngarkohet personalisht administratorit, ortakët individualisht ose se bashku, kanë të drejtë të ngrenë padi penale kundër administratorit

Paditësit kanë të drejtë të ndjekin në rrugë ligjore shlyerjen e plotë të dëmit që i është shkaktuar shoqërisë, përfshirë edhe dëmshpërblimin financiar, nëse është e nevojshme. Asnjë vendim i asamblesë nuk mund të ndalojë ngritjen e kërkesë padisë kundër administratorit për gabimet e kryera prej tij gjatë ushtrimit të detyrës.

KREU IV: VITI FINANCIAR-EKSPERTET

NENI 20

Viti Financiar

Viti financiar i Shoqerise fillon me 1 Janar dhe perfundon me 31 Dhjetor. Perjashtimisht, viti i pare financiar fillon nga data e regjistrimit te shoqerise ne Qendren Kombetare te Regjistrimit dhe mbyllet me 31 Dhjetor.

NENI 21

Ekspertet

Eksperti ka për detyrë që të kontrollojë të gjithë dokumentacionin kontabel të veprimtarisë ekonomiko tregtare të shoqërisë, atë gjithëvjetor dhe atë në lidhje me kontrollet periodike të ushtruara prej tij për rastet kur ai është ngarkuar dhe ka kryer një gjë të tillë i ngarkuar nga ana e ortakeve.

Në përfundim të kontrollit eksperti kontabel i autorizuar përfaqëson raportin me shkrim për nxjerrjen e rezultatit të bilancit financiar vjetor si dhe për atë për kontrollet periodike të ushtruara, të cilat është i detyruar që t'ja paraqesë e dorëzojë në kohë ortakeve për t'i shqyrtuar e miratuar mbi bazën e të drejtës vendimore që ka.

KREU V

Prishja -riorganizimi i shoqërisë

NENI 22

Prishja dhe likuidimi

Shpërndarja ose prishja e shoqërisë mund të bëhet në çdo kohë :

- a) kur mbaron kohëzgjatja e parashikuar në themelimin e saj;
- b) me vendim të Asamblesë së Ortakeve;
- c) me hapjen e procedurave të falimentimit;
- ç) nëse nuk ka kryer veprimtari tregtare për dy vjet dhe nuk është njoftuar pezullimi i veprimtarisë në përputhje me pikën 3 të nenit 43 të ligjit nr.9723, datë 3.5.2007 "Për Qendrën Kombëtare të Regjistrimit";
- d) me vendim të gjykatës;

Në këtë rast Ortaket marrin vendim me shkrim në të cilin parashikojnë mënyrën e likuidimit të shoqërisë, duke caktuar 1 apo disa likuidatore dhe shënuar në çdo dokument të nxjerre prej tij emrin e likuidatorit dhe emertesen shtesë " Shoqëri në likuidim e sipër ".

Prishja e shoqërive tregtare ka si pasojë hapjen e procedurave të likuidimit në gjendjen e aftësisë paguese, me përjashtim të rasteve kur është nisur një procedurë falimentimi.

Likuidimi kryhet nga likuiduesit e emëruar nga Ortaket.

Nëse Ortaket nuk marrin një vendim për emërimin e likuiduesve, brenda 30 ditëve pas prishjes, çdo person i interesuar mund t'i drejtohet gjykatës, për të caktuar një likuidues.



NENI 23

Riorganizmi i shoqërisë bashkimi-ndarja

Shoqëria mund të ndahet, bashkohet sipas Vendimit të Mbledhjes së Përgjithshme të Asamblesë së Ortakëve, në përputhje me dispozitat ligjore të parashikuara në Pjesën IX të Ligjit 9901 datë 14.04.2012 "Për tregtarët dhe shoqëritë tregtare."

NENI 24

Baza Ligjore

Shoqëria do të zhvillojë aktivitetin e tij në përputhje të plote me këtë statut dhe dispozitat e legjislacionit shqiptar.

Për sa nuk parashikohet në këtë statut, do të zbatohen dispozitat e ligjit "Për tregtarët dhe shoqëritë tregtare", Kodit Civil dhe çfarëdo ligji tjetër specifik në Republikën e Shqipërisë.

NENI 25

Mosmarrëveshjet

Për mosmarrëveshjet që mund të lindin në lidhje me zbatimin apo interpretimin e këtij statuti, si dhe për çdo mosmarrëveshje që mund të lindë midis Shoqërisë dhe të tregtarëve, do të jetë kompetente Gjykata Shqiptare.

Ky statut hartohet dhe firmoset në 5 (pesë) kopje origjinale, të gjitha me të njëjtën vlerë ligjore. Një kopje qëndron në dokumentacionin bazë të shoqërisë.

O R T A K U

I SHOQËRISE ME PËRGJEGJËSI TË KUFIZUAR

EXPOSOR

Ilir KUSHGJINI

